

鬱鬱黑騰騰乾元鎮鬼心枷直將攝邪神鞠  
妖精急急奉鄴都大帝勅

截河法 劄訣虛書

北陰冥黑風截斷鬼精

鐵丸勸法

大微大微赤鍊銅汁九泉永享受辜再生再  
死上帝勅攝并令獄卒食鬼飲血疾  
喝縛在柱上以鐵丸灌之

毒蛇咬法

驅毒蛇精咬鬼道名唵吽吽吽

揭鄴都獄呪


吾是北帝臣名書玉清上至九天及幽冥  
北帝靈官悉是我管我之所部何鬼敢生左  
佩鈴落石帶火鈴擲火萬里威制萬靈有拒  
者致有千者刑帝君有令收捕不停天光徹  
劫群魔東刑鬼妖滅奏我得長生急奉  
上帝律令勅

鄴都碧月照寒潭造化 作用法水

凝定存心為一輪碧月懸照存水為寒潭想  
車夏二將形狀一箇如水牛狀相似一箇馬

面出在法官兩角上立次存火將兩牛尾燒  
二牛奔入水中去使八將蓋水上見二牛走  
上水面吐氣如虹即吸此蒸吹在童身上童  
身即起矣

鄴都攝亡墜攝符



勅呪

三官北酆明檢鬼管不得容隱金馬驛程普  
告無窮萬神咸聽三界五帝列言上清  
存天昏地昏亡魂速到

道法會元卷之二百六十三

道法會元卷之二百六十四

北陰鄴都太玄制魔黑律收攝邪巫法

六陰洞微仙 御虛甚結

虛無統化仙 御徐必大註

夫欲收捉邪巫赴天獄之時須先攝伏然

後施行如邪巫過惡不甚為害亦不必用  
斯法並向傳運令式中雖有此法然未若  
只今更詳備耳然亦不可常用恐失玉格  
慈濟之心乃出於不得已而始行斯法也

凡欲行時當先申西臺御史及申天蓬真

君備牒九獄主者關帥捉之次差桑將軍

與追魂顧頭大將軍收捉此名斬魂之法

應有兇惡不信道法敗正害真者及無理

非常過惡甚多者同此行違作用無二六

條條作六符或差將符用皂紙長三尺書

符左手三箇右手七箇心懸三道却外要

一箇誦呪惟不可私心行之事于殺伐至

祝至祝

奏天蓬式

具職位臣姓名

右恭輒伸懇切之私仰瀆

重玄之聽臣恭叩行

正法得遇明師授

鄴都考召之玄文佩九泉號今之正法誓

除大患願顯

真風凡有緊切之詞豈敢隱而不奏臣下情無任誠惶誠懼稽首頓首再拜

上言臣昨因恭事佩令經歷某州某處有邪巫恭不畏

憲章衝犯正令仍行妖術侮慢

高真誑惑愚民歸崇邪道且以側法侵害

人民厭禁百端枉戕人命見聞諸實合行

差將追攝魂神赴正令都獄考問庶俾邪

風殄滅正道與隆須至具狀奏

聞者

右謹謹具狀上奏

北極鎮天降魔天尊元帥蒼天上帝聖前

恭望 聖慈允臣所奏降

命鄴都依臣所使隨令報應干冒

聖威臣下情無任激切候

命之至謹狀

年歲次 月 日具職位臣姓名狀奏

申御史狀式

鄴都糾察司

當司昨歷某方佩令糾察奉行

北帝大法輔正除邪興利去害於某時至

某處受人詞訴濟度危急忽有邪師恭犯

令衝印恣行妖術厭禁行司香火惑亂愚

蒙歸崇邪道行司機察見得某全憑祿禁

侵害良民但有所取不知其意即行電害

陰戕人命不可勝言合與差將攝赴正令

天獄拘管俾之改過庶令惠及此方免受

戕害須至具狀申

聞者

右謹謹具狀上申

鄴都西堂御史檢法行刑提點通訪大使真

君聖前恭望

聖慈允今所申即行定差鄴都感應威猛桑

銅及追魂願頭大將軍立限追攝前赴天獄

考勘庶使邪人知畏正道興行恭干冒

威嚴立伺

昭報謹狀

年歲次 月 日具法位姓名狀申

關將詣壇聽旨式

鄴都糾察司

本司今為機密緊切事理有干

天憲除已具奏

天蓬都元帥府及申

西堂御史臺外須至關集者

右關

直壇桑銅大將軍及願頭大將軍立便提領

所部鬼兵遵九泉號令嚴奉


憲章齊詣本司所建壇立懸懸令之所駐


劄以聽號令依法奉行事干奏達切勿故違

年歲次 月 日某時關

具位行便宜事姓名

追攝壇式





鄧都糾察司

本司今差猛將前去某處追攝邪巫某及邪猖台光幽精英靈三魂七魄聚於符中限在某日攝捉赴壇以憑根究事干緊急不得有違立俟感通毋貽條憲須至指揮者

右引差直壇秦銅顯頭大將軍准此

年歲次 月 日 時引

行便宜事姓某押

急脚符




天罡太乙勝光小吉傳送從魁  
河魁登明神后大吉功曹太衝  
斬神 中元地官 下元水官  
龍虎煞 神劔斬 舉足摧

飛步攝 九 謹請九泉號令大將軍急  
魔精 奉魁魁魁魁魁魁魁律令  
北帝勅令鄧  
都來行攝



右符書畢念天蓬呪順逆各一遍剔然文發遣

追邪巫符式



用一十三箇只改台光魂來幽精魂來爽

靈魂來一魄來二魄來三魄來四魄來五魄來六魄來七魄來精來炁來神來十三箇外一箇書云總魂聚魄精炁神來一在心懸

右粘於符形上左手三右手七心懸精炁神入聚于符同關引并符壇前燒之凡行持如式建壇祭將誓呪閉目定氣然後步七星罡念呪曰

天蓬天蓬天地之尊上朝金闕下覆崑崙九天五嶽在吾掌中三元八節一炁包容運天台斗魔鬼滅蹤天罡神王萬丈英雄黑煞神王馭虎馭龍周遊八海下至六宮大魔畏伏嚴駕夔龍三十萬兵來衛九重衝天煞炁永斷秋兇急急如令光太虛天蓬大元帥蒼天上帝律令

召功曹呪

天蓬有命功曹來臨盧見王安火急來臨速追土地同降壇庭聽吾號令火速來臨天蓬主領無犯典刑急急如

地速至壇前疾

存至再祝云

功曹土地已到壇前請貴此符命徑詣北陰景陽官關召直壇猛將桑銅大將軍顧頭大將軍火急赴壇聽吾號令疾

焚號令符吹向北方去依式叩令召將

再祝曰

天蓬天蓬北帝之雄下赴冥司鄴都之官糾察六獄隨令即從桑銅開召立至壇中顧頭大使風火奔衝隨令速至驅虎驅龍紫微禁肯威使知聞敢有不至押送羅蠶永禁幽獄萬劫無終急急如北極鎮天降魔大力威神天蓬都元帥律令勅召鄴都直壇桑銅大將軍顧頭大將軍各各統領鬼兵速至速至疾

取北炁一口吹于壇前再祝曰

謹召鄴都直壇桑銅大將軍顧頭大將軍仰遵九泉號令聞召即臨聽今指使瞑目存二將領帶鬼兵齊降再祝曰適伸告召既沐來臨當司謹備酒禮祭真威

神少駐壇場特賜歆受

顯靈呪

直壇威烈將顧頭與桑銅速出九陰位星火降壇中追魂千里去攝魄疾如風魁星流電轉罡曜氣昏濛汝等聞吾旨有命即遵從毋犯鄴都令罪報永無窮急急如北極鎮天降魔大力威神天蓬都元帥蒼天上帝律令

誓呪

吾奉紫微專命北帝靈文下治鄴都六天之官六宮大魔隨令即從天蓬衛我同助威雄刀鋒萬仞劔柱千重銅蛇吐火鐵犬奔衝千端苦惱考勘無窮有遵正令賜賞以功保素天闕名書帝官依吾旨令急急追魂急準天蓬元帥蒼天上帝律令

仰汝等遵依符引速即前去追攝邪巫並真

正三魂七魄前來總聚符中收禁天獄限在某日某時追到急急奉行疾焚化關引及符次以一遺將金錢甲馬燒于二將牌位前

念遺將呪

太玄黑書天蓬總符猛將聚壇收捉邪巫祇魂猖魄側法兇徒三洞羅漢五部兵奴疾速追捉盡攝無餘有敢當者鐵鉞行誅清寧世界邪怪消除御史按察先達後驅有違黑律影滅形誅急急如北極鎮天降魔大力威神天蓬都元帥律令

噴水一口化錢馬符引次日法師入壇靜坐開令開天門逐一行令

楚昨修黑律之中亦有此文特不詳備耳

此法追攝亡人附幡報應及於呈影現形可與攝亡法同行之尤捷法官不可私意攝邪巫赴獄考勘違者准律死罪入壇行事上香變神如前開令時不許婦人小兒僧尼雞犬窺觀驚動大魔必有殺伐之怒幸慎焉

開令袋呪

天蓬收黑霧立現鄴都山六洞明明幽獄重開關大魔牢把護聽我令宣傳急急如北極降魔大力威神天蓬元帥律令勅

開天門呪 寫法致二十四  
通然後誦之

吾奉天蓬勅玄武開幽關獄吏少傳考陰兵  
周衛環魔王怒按劍六洞鎮魔變聽我傳宣  
勅天門視黑山急急如

北極鎮天降魔大力威神天蓬都元帥律令  
勅

開獄呪

天獄靈靈五炁靈君領兵百萬助我威靈巡  
遊八極活捉生擒勅金頭那鐵頭那唵夜泮  
頭住盡入攝魂攝赴幽獄永劫無生急急如  
北陰玄天鄭都鬱絕大帝律令勅

呪畢再祝將云

謹召承差受事大將軍桑銅及顯頭大將軍  
想已攝到某鬼真魂正魄永禁幽獄仍遵

北極鎮天降魔大力威神天蓬大元帥律令  
勅押赴總魂聚魂精炁神符中速全其身攝

嚔水一口掐煞文再念呪曰

台光幽精下至冥靈同勾七魄聚我靈文飛  
騰呼吸元炁精神速歸靈篆全體生真一如  
變化無別其靈急急如律令

右法雙手子文存念左有雷公元武君右  
有電母肅張君桑銅大將軍顯頭大將軍  
飛行奔誅攝捉某鬼真魂正魄聚入符中  
法官向南吸南炁三口向北吸北炁七口  
入符存符為鬼形捲之存其鬼為因束縛

收入獄內想見六宮大魔自獄中出交鬼  
押入獄中再白云雖捉到某鬼又恐精炁  
神不全聚仰飛空速行收攝疾次以雙手  
握雷局按腎堂三轉自此運起引自兩脇  
上至腦後運三轉却入泥丸復從兩耳三  
匝運出以作雷聲眼閃電光三下嚔水一  
口想雷雨奔至大吹炁一口為烈風向空  
吹去至鬼所蕩散邪炁再焚焦曾真形符  
喝云

二聖同助桑銅顯頭收捉某鬼全聚魂魄付  
天獄永禁考刑疾

須臾存見捉到倒念天蓬呪助之仍念玄  
冥大將呪以加之其處收捉附獄訖閉獄  
門念黑風大罩呪封之

封獄呪

北斗七星橫北道天昏地黑獄沉急急如  
北陰玄天鄭都鬱絕大帝律令勅

右呪畢即書法師自己心印封獄門上再  
念呪曰

蓬正漆響天關地軸太陰太陽水火交逐赤  
帝靈神通備足張竭劉海為吾守獄天羅  
地網萬里罩促一如帝命收付黑靈急急如  
北極降魔大力威神天蓬元帥律令

封獄門畢却將桃枝一條長七寸明念呪  
於門上考之伏則開獄門不伏則再考念  
後呪

北帝玄靈考鬼呪

天獄靈靈永沉幽冥無光無像無影無形境  
無陽炁陰毒結成廣方萬里鬼神都庭幽囚  
滯魄無有生成死殺敗滅永沉鐵城考汝畏  
伏鍊汝滅形吾有黑律按佩而行敢有干犯  
立化為塵急急如律令

右呪考七下如畏伏則除之不畏伏則再  
念  
天元憲章滅鬼斷魂大呪

北斗傾魂五帝斷魄三尸鼓勇上鎮泥丸洞  
天失先魂魄無生魁星落地魁星無明魁星  
自滅魁星昏沉魁星震怒魁星如兵魁星衝  
擲當者喪形急急如律令

右呪念七遍以桃枝於令門上打云鍊之

則伏化之則滅如欲赦之當用北斗玄卿

普天大赦保生呪七遍至四十九遍隻手

寅卯午關發取出如前命神將放出邪鬼

喝云

○猛將桑銅額頭大將速將上件鬼魂還其本  
所急急

北斗玄卿普天大赦保生呪

天蓬天蓬九玄殺童變化凡身威猛英雄通

天通地通天通風通水通幽通顯通空通正

通邪無盡無終變化九億聚魄生魂魁星明

朗魁星乘龍躡星大吉魁星騰空瑞光流散

普遍光風魁魁上生魁星神通同上生籍保

魄守魂精得以鍊炁得以通神得以定四大

與隆急急如

北極鎮天降魔大力威神天蓬都元帥律令

閉獄門呪

靈塞地戶鬼塞幽關急急如

鄴都大帝律令

袋令呪

天垂黑靈單幽關急急如

鄴都大帝律令

吹誦四天閉塞呪取黑炁布之

黑篆真文倒呪

萬鬼自潰神刀一下天獸滅類四明破骸北

斗然骨炎帝烈血斬鬼五刑鑿天大斧欲來

現狀敢有小鬼去却不祥辟尸千里衛我九

重三十萬兵威北嚙鋒天駟激吏威南禦兇

天丁力士四目老翁蒼舌綠齒橫身飲風吞

魔食鬼丹霞赫衝紫炁乘天斬邪滅蹤威劍

神王嚴駕夔龍素鳥三神手把帝鍾長額巨

獸太上皓兇七政八靈高刀北翁五丁都司

九玄煞童天蓬天蓬合元太虛勅

右拍九天寶印卯文取炁吹之

右呪普如普陽天師威北帝達天丁賜三

十六黑篆真文精勤持念勿漏昇天

道法會元卷之二百六十四

道法會元卷之二百六十五

北陰鄴都太玄制魔黑律靈書

靈書

西臺御史檢法行刑通訪大使魏伯賢啓

上清天洞法師魏明瑞請神於真人鄭如微序次

昔北極紫微玉虛帝君居紫微垣中為萬

象宗師衆星所拱為萬法金仙之帝主上

朝金闕下領鄴都起於龍漢元年有北陰

鄴都六洞鬼兵神靈魔王遊行人世殺害

生靈莫能制御

玉帝召北帝統率神將吏兵演大魔黑律

行鄴都九泉號令符糾察三界鬼神印降

伏魔群驅蕩妖氛救護黎庶功成行滿昇

入北極中天自然總極紫微大帝之位故

七真曰祖師北極大帝為萬法之主也北

帝制伏群魔行九泉號令符糾察鬼神印

及制黑律命御史魏伯賢掌之領鄴都官

將北帝即紫微大帝之分化也故上清天

條玉真天壇玉格女青鬼律天蓬律九天

大法等文刑律嚴重莫如鄴都黑律也按

經云北帝勤修經歷精勤香燈禮拜念誦